



鄭詩目錄

卷之七

遊張公洞二首

同晉陵諸子遊水西二首

西湖過孫山人舊隱昔曾與太初用賓月
下步六橋令僧人弄笛嘯歌爲和回首
往事黯然陳迹矣

讀太初潯陽歌

陳遂初進士邀宿潁谷草堂夜觀西湖漁

火

錢塘映江樓宴坐觀潮

過孫山人苕溪舊居

寄施粵之侍御

碧巖下小憩望太湖

謁太初墳二首

宿歸雲菴

寄赤城諸子

贈張南陵

訪遂初宿南高峰下

宿勝果寺

贈秀公

登御校場下望故宮

勝果寺秋懷

黃山雜詩十首

夢黃山梅花

同王方湖汎舟鑑湖入蘭亭偶成贈章二

首

若耶溪

剡溪

東山東董文玉諭德

清風嶺

新昌縣曉行

天姥峰

赤城

繡嶺曉行

秋夜偕應天燹黃宗賢宿靈巖天柱峰大
雷雨作

鴈宕山中

答天燹

看花

天台雜詩四絕

石梁行

謝安石

答陳鑑

東園

畫山水引

集勝果寺

江村

九日登釣臺

遊爛柯山同楊節使二首

風雨過南關

汎舟五曲謁武夷精舍

雨後登天游觀

夜訪建溪歸宗巖宿聽泉閣

贈姜建州

吳隱君山居

送李曲江

寄倪南雄

贈林中丞

歲晚入鳳陽山治田

送王文輝遊武夷

送公衡韶州省覲兼懷倪南雄李曲江二

首

寒食與木虛登芳巖峰遂餞公衡

永陽方巖觀從兒戲入靈羊谷

暮春湖上

詹文化

夏公謹

戴宗道

林克相

梁日孚

方思道

汪希周

林德敷

鄭伯興

蘇天秀

姚元肖

顧九和

陸子淵

一樗散人歌

黃明甫憲副欲到湖上

新營青埜堂未就簡高傅二子

讀維新錄

後秋興三首

卜居懷林待用司空

寄劉希尹吏部兼懷薛君采二首

秋日湖上懷舊游

長歌行

青埜堂石傍植菊花冬日盛開

龍門西象頂望海

葉六罷戍潮陽歸話湖上

岳江送黃伯固大理赴白下

贈鄭中丞二十韻 青塾堂成二絕句

送人之鄴

鄭詩卷之七目錄終

鄭詩卷之七

閩中鄭善夫繼之著

郡人鄧原岳女高

謝肇淛在杭同校

遊張公洞二首

阮籍懷廣途盧敖歷四極尚慙壤蟲隘或哭周
道阨伊余抱末衷迺泝二子迹北遊費歲年東
歸睠幽蹟豈不念窮路黃鵠有羽翮陽羨山水
區西奠洞庭側岳扉靡雜卉茵芝類盈尺昔有

真詩 卷之七
攝生者於此煉金液空釜夙所慕靈洞杳莫測
寒泉滴不散千歲成瓊碧中有科斗書漫滅不
可識竭來事實探宛若藐姑射豈伊耳目娛但
恐霜露迫緬思縞鳳吹儻值紫髯客修觀竟十
二累果及八百深功諒難期所志未忍息永服
先聖訓至誠裂金石

其二

乘槎陽羨湖延覽銅官山山氣何氤氳飛嵯鬱
而盤西南有乳窟窈窕青雲關倏忽啓靈秘傳
聞赤符間七日混沌死鬼鑿永不刊神竅通十
州清淺呈琅玕元陰伏其下六月冰雪寒仙鼠
與石燕倒掛風雷壇仙人度羽去尚留九成丹
爰有好事者裹糧澹忘還冥搜了無得悵然回
波瀾余亦採芝徒九載勤登攀九載在旦夕皓
髮凌朱顏尚子旣畢娶坡翁復營田至人貴遺
形細故惡足牽

同晉陵諸子遊水西二首

共有煙霞想言過西水潯薜蘿迷遠近魚鳥入

高深花氣含風滿山堂附郭陰宴酣忘主客誰
賦越鄉吟

其二

喜到晉陵郡行逢諸子招竹林初散帙槐樹已
鳴蜩遶逕馴朱鶴通池接畫橈遙思荷篠者去
作羽山樵

西湖過孫山人舊隱昔曾與太初用賓月
下步六橋令僧人弄笛嘯歌爲和回首往
事黯然陳迹矣

荒迷更踏西湖路露鳥雲裳空六橋涕淚翻悲
竹林宴笛聲月色傷中宵醉歌亂詫魚龍出此
地爭傳麟鳳標今日孤山最孤寂梅花桂樹頓
蕭條

讀六初潯陽歌

青春寄我潯陽曲長路思君鸚鵡洲此日江湖
須遠志浮雲西北有高樓嵇康竟少神仙分尚
子仍牽兒女憂居洛何曾定蹤跡終南渭水入
鄉愁

陳遂初進士邀宿頽谷草堂夜觀西湖漁
火

稅駕歸閩土尋山入浙中客情逢勝友東路任
飛蓬夜艇流漁火秋杯折渚筍巢由聖世事直
北大明宮

錢塘映江樓宴坐觀潮

錢王此開濟旋入宋山河潮汐秋來壯雷霆水
上多尚傳江有怒翻恨海無波颯颯攢陵樹悲
風日夜過

過孫山人茗溪舊居

耿耿憶孫楚溪邊青竹門未同茗水月竟失漢
陰原壽天真詮外風雲孤夢存平生少谷榻獨
下向誰論

寄施粵之侍御

南昌隱君子寄迹綠雲端念爾神交久慙余色
會難此時歌伐木伊昔阻風湍何日下縣榻相
看黃籜冠

碧巖下小憩望太湖

長夏碧巖好蕭蕭千竹林看山白屋靜息駕古
藤陰震澤驚波在洞庭歸鳥深楚臣新去國漫
有卜居吟

謁太初墳二首

草堂琴瑟罷羽化竟何如那復烏藤杖空傳白
鹿車沙湍且鷗鳥天地卽蘧廬白首林君復終
無封禪書

其二

伊昔丘園隱風流誰似君談詩振大雅抗志入
高雲宅擬王官谷山名太白墳寥寥廣陵散定
向夜深聞

宿歸雲菴

澤國變元氣名山留晚芳雲藏伏虎寺花近挂
瓢堂鵝鶴飛騰遠漁樵言笑長沉冥達者事散
地卽慈航

寄赤城諸子

自別赤城去藏身金馬門尊鱸心獨苦林壑道
何尊萬事風波過三年寃夢存終焉共攜手採

秀入桃源

贈張南陵

張翰風流在南陵谿谷間一爲香案吏便得敬
亭山飯飽鱸魚味身隨鷗鳥班後期望星漢知
爾御風還

訪遂初宿南高峯下

天末逢秋驚客心只看商意動高林修篁細葉
迎風亂翠栝繁條傷石陰江上釣緝青眼底年
來淨業碧山深東歸喜有王摩詰輞口柴門許

獨尋

宿勝果寺

游吳復適越漫宿贊公房小隱薜蘿密大觀江
海長鉢龍蟠夜壑雲濛語秋堂稍覺菩提長森
森松櫨涼

贈秀公

不作尋詩計沉情日閉關牛車載上乘錫杖拄
空山玩世風塵外放身花鳥間秋齋食橡栗見
爾好容顏

登御校場下望故宮

萬峯雲木鬱蒼蒼古壘仍存閱武場南渡關河
雙眼盡中原風物百憂傷尚傳草莽開黃屋想
見龍蛇繞御床往事只今俱灑淚兩階干羽意
何長

勝果寺秋懷

山寺行逢紅槿花江南風物望中賒棘雲蘿月
同秋事鴻鴈鶩鷓亦歲華多病茂陵仍去國長
貧杜曲尚無家白袍黃帽從吾好歸去滄洲問

釣槎

黃山雜詩十首

黃山如岱嶽蘿山若梁甫曾顛邊行雲晃晃自
太古咸池蕩初景昧日河已曙我夢天都行笑
折扶桑樹

其二

燠風熙自南淑景變物色引領望巖阜光寵徧
林薄撫茲盛農節耦耕及南陌雖匪康莊衢良
用歌帝德

其三

經始朗上原，秬菽長如茨。巖霏散叢薄，谷風回
春姿。童伴歌以嬉，苦樂中自知。甯生聲慷慨，乃
作霸王師。

其四

黃山奠南服，巖薛分楚望。連峰標天樞，結秀極
地藏。金雞時一鳴，高鳥不能上。睠茲俯滄海，窮
歲夢波浪。

其五

藍田有嘉植，種玉世莫比。靈氣紛璀璨，熠熠寰
區裏。珠碧奴視之，琳琅乃支子。不遇後車載，終
伏磻溪水。

其六

回溪下釣緡，溪水見我志。緒風揚伏波，波伏風
不起。中有雙文魚，筵筵不受餌。履茲釣鯨鯢，掇
擊東溟水。

其七

園廬春欲至，歲事此伊始。采芳入曾雲，散髮不

真詩 卷之七
及理蠶眠桑柘繁土膏農務起龍鬪未敢聞巢
父正洗耳

其八

硃灘流湍水壑龍無時吟水流木葉下宛轉歲
序陰歲序倏以改丹砂仍費尋蓬閣儻可求去
矣極高深

其九

崇巒互經亘靈氛厥玄蓋天風散鼓鐘旦夕發
清籟日晏紫芝茁山靜幽鳥萃真機秘心賞要
在達者會

其十

停雲扇重關蘿風墮天聲遐構名山陽允諧真
隱情詩書豁俗韻巖丘湛性靈鬱彼漆園篇聊
用得吾生

夢黃山梅花

陽湖春動禁珠宮我夢黃山白鶴峰羅浮仙子
娟娟下笑整雲裳風雪中

同王方湖汎舟鑑湖入蘭亭偶成贈章二

首

木落秦山近草堂避人仍葺薜蘿牆知爾經綸
數在手釣船長繫鑑湖傍

其二

鑑湖放船雲霧光蘭亭八月溪水長我愛風流
王逸少青山同引碧霞觴

若耶溪

山迴水曲若耶溪八月荷花光映堤越女勞歌
採蓮曲江南今有杜鵑啼

剡溪

曹娥江接剡溪流亂石幽花只漫愁剡曲尚疑
安道宅山陰誰上子猷舟

東山東董文玉諭德

東山中峰天漢連紫筇丹屐共雲煙高臥正懷
謝太傅莫令小草後人傳

清風嶺

嶧浦橋東雲壓山清風嶺盡明河灣捫崖忽漫
雙流淚日短風塵易滿關

新昌縣曉行

曉發新昌縣晨臨赤土隈
秋花隨地有渚鴈與
雲來雜樹炊煙出前涇
山照回忽聞歌伐木行
路興悠哉

天姥峰

天姥峻嶒不可招
雲巖雪壑傍丹霄
天台四萬八千丈
俯看飛虹度石橋

赤城

天台山前黃鵠飛
仙人城闕赤霞圍
最憐謝女

蓬萊去未識
人間馬子微

繡嶺曉行

繡嶺行不極
盤山霄漢長
誰將釣渭意
同寄鴈湖傍
野宿雀芋飯
巖居木槿牆
晨征莫相失
雲氣正茫茫

秋夜偕應天
燹黃宗賢宿
靈巖天柱峰
大雷雨作

日落風迴天柱陰
峰前雲木正蕭森
古堂衾枕秋燈淨
永夜雷霆山雨深
漠北不聞麟鳳信
海

濱空寄蕨薇心結廬欲擬南陽臥抱膝長歌梁
甫吟

鴈宕山中

丹崖側疊窺欲頽拊石捫蘿鳥道迴滄海客心
長自遠錦溪秋色是重來靈湫水激風雲濕昧
谷春生鴻鴈回更上南山望雙闕葱葱雲氣護
蓬萊

答天彝

君今笑入天台山余亦欲田箕穎間白日風傳

紫芝曲莫教人識是商顏

看花

山藤花開紅映衣看山藉草遲遲歸錦石無人
溪水下隔花刺船鷓鴣飛

天台雜詩四絕

一夜雨聲吹不斷國清寺前溪水鳴欲過天台
拾瑤草秋風無限石梁情

其二

赤城雲閉玉真符桐栢宮涵滄海珠早晚移家

葛洪井瑯臺雙闕是仙都

其三

華頂數峰飛刺天長風白日灑雲煙鹿裘行探
金明草笑拍洪崖星漢邊

其四

曇花亭前雷雨飛石梁天巧眼中稀素裾綦履
沾雲濕我自天台華頂歸

石梁行

陰厓飭飭氣溟濛山木慘切悲回風石梁駕天
蟠彩虹飛流下擣龍光宮上仙之都弱水東彼
岸可度天之功十年尋仙志未已台嶽欣逢羨
門子願君啓我元命秘荷鏡拾苧吾不耻桃源
洞天春色多爾時劉阮今如何

謝安石

江左爭傳謝傅風蕭條猶記薜蘿叢東山第宅
遙相問青海音容迥不同目斷中原深戰伐天
回淝水失英雄最憐碁野蕪甚獨望新亭意
不窮

真言
卷之七
三
答陳鑑

武原陳仲舉惠我古苔篇讀罷生陰籟知君玄
又玄高賢惠遠社歸客洞庭船何日尋芳約蓬
山種玉田

東園

汶口園仍好商於草已蕪誰歌採芝曲高調滿
江湖

畫山水引

天風盤松翠蛟吼白浪浮山蒼兕走月落未落
光射空道人夢在滄洲東雲冠雪髦烏皮几皓
自相從只黃綺我亦天台探藥師爲君更話蓬

萊水

集勝果寺

寺閣茲辰會賓朋盡世賢雲山兼勝日巖壑得
高眠移席竹林晚題詩花蓋妍燕鴻何意緒來
往各翩翩

江村

錢塘江浪拍天來江上茅堂負郭開蜃樓鼉鼓

時能見鷓鴣鷓鴣晚自迴

九日登釣臺

富春山下嚴陵瀨九日風光興不違白石滄波
元自好鳴鷺飛鷺早知歸南陽文叔求賢遠相
府侯生識面稀王業帝謨俱莫問百年江海有
漁磯

遊爛柯山同楊節使二首

太末徐王國青霞洞府名江山共吾子風雨若
平生錦樹巖扉淨秋杯雲鳥明應悲看碁者柯
爛未忘情

其二

岑岑千峰下天開姑蔑墟地靈蕃玉蕊神至響
雲車未破人間局先繙石室書茅靡入道術歲
晚莫踟躕

風雨過南關

元亮東歸日長途菊正斑寧辭彭澤米早得匡
廬山雨勢秋崩峽雲陰晝阨關回思鳳凰閣吾
已得生還

箕言
卷之七
五
汎舟五曲謁武夷精舍

朝汎碧浪溪夕宿隱屏下
洄湍激九折溯汎以東注
丹崖寫靈奇怪者莫可悟
豈伊神理秘諒有鬼物護
仙術非荒唐宜聖有矩步
滂流無窮門直以夫子故
依違尚友心寒寒恐遲暮
終當據昭曠睠此結桂樹

雨後登天游觀

幽探尚愛天游觀石磴高盤松栝林
鶴馭虹橋今斷絕黃冠紫屐此登臨
千峰雨過玄冥濕列洞雲回元氣深
便欲垂綸釣魚石鷓鴣立滿九溪潯

夜訪建溪歸宗巖宿聽泉閣

葛巾隨地留芳跡翠壁清林把燭行
山接幔亭多紫氣夜來蓬閣動泉聲
名都合有滄洲勝冬日還知桂樹榮
白首子真終不改看雲坐石得吾生

贈姜建州

南遷爲隱吏山水興難降客至丹青閣
時翻白

玉釭諫書留御榻惠政及鄰邦若訪漢陰老知
余是姓龐

吳隱君山居

吾慕漢陰老清修難具論兒童少機事麋鹿到
柴門備見幽人吉還聞靜者尊高賢牀下拜龍
虎鼎中喧古道日已遠仙風今罕存縣知出世
意接手入湘源

送李曲江

李子新爲令南遷百粵州梅花過庾嶺吹滿曲
江頭鵬運天池暮槎停星漢秋丹砂好寄與早
晚上羅浮

寄倪南雄

京華相別後聞爾亦南圖笑解銀魚綬坐分銅
虎符山蟠五嶺厚俗到百蠻殊千里梅花使春
風好寄余

贈林中丞

矯矯中丞三輔賢投簪滄海意猶仙高冠大帶
回蠻俗綠醕黃花照暮年勲業不談延慶役兒

童唯唱太康篇紛紛授簡梁園客未道枚生賦
獨傳

歲晚入鳳陽山治田

幽棲已傷鳳山遠長日看雲意獨深
泔泔海濤喧永夜冥冥蘿月散青林
田園春近存生事鵬鷲天高寄遠心
避地休歌飯牛曲驚風落木歲方陰

送王文輝遊武夷

王郎不肯住脫屣武夷山學道心長苦
尋仙髮欲斑魚龍淹海日鵝鸛厲天關
何限滄洲興希君共一扳

送公衡韶州省覲兼懷倪南雄李曲江二

首

爾往寧親日千花春未稀此行無道路
綵戲及庭闈王勃才名盛孫登世事微
如逢始興守道我釣魚磯

其二

擬此過逢數何期迅別愁青山問庾嶺
滄海近

真言 卷之七
韶州猿狖聲堪聽，枕柳葉正稠。風煙易春暮，須及曲江樓。

寒食與木虛登芳巖峯遂餞公衡

絕頂天風雲亂飛，海門高浪近春衣。霸圖王氣東南盡，堯韭秦花天漢稀。此地賞心惟汝共，萬方愁目欲何依。要知寒食山中意，萍葉江湖幾是非。

永陽方巖觀從兒戲入靈羊谷

共有方巖志，鳴橈入永陽。山疑子午谷，水是武陵鄉。石室羅星漢，風泉積混茫。直尋前代迹，多見昔人狂。龍德存幽側，神功大晦藏。會須乘白鹿，莫倚過靈羊。采秀青林杳，看雲白業長。儻逢蔡道者，爲彼出迷方。

暮春湖上

滄溟春欲暮，湖上芳草生。風煙吹不斷，遙帶鳳凰城。萬事兵戈外，孤臣藜藿情。何當拊神物，談笑掃欃槍。

詹文化

報爾龍頭選才名我昔聞鳳凰今有象騏驎直
空羣黃散經綸事金滕禮樂文更期射三策早
晚奏明君

夏公謹

四海夏公謹平生道未踈豈爲青瑣客不問白
菟裾帝業維新日皇輿草昧初看君抱經濟獻
納定何如

戴宗道

小戴青雲器明經正顯行以茲先後甲知爾廟
廊情樛櫟人俱棄鳳麟世必清經年無一字何
以慰平生

林克相

厓老本釣侶經綸今若何自來科目選祗爲利
名多江漢波初定夔龍道不磨南冠有詞賦萬
古卿雲歌

梁日孚

梁鴻終自潔祿仕斲棲遲混世名爲佛修身早
得師兒童送我意俯仰別君時何日長安市相

過筇一枝

方思道

方郎天下士慷慨古人稀
刎頸交惟汝同心結
到誰江湖同苦別霄漢獨雄飛
遠媿朝歌叟中興淹桂枝

汪希周

崇陽汪武選識汝自京華
拊劔平江漢經年別
室家飛雲收虎帳戰馬返龍沙
長揖青門外何人善種瓜

林德敷

聖后乘元化江湖思致身
君居財賦地況作廟堂臣
勛業時堪就鱸尊興莫新
何當逐狐鼠同看帝城春

鄭伯興

吾宗賢吏部昔往鹿門山
應世身難臥探元意
自閒山公啓事近龐老攜家還
余亦隆中隱接君牀下顏

蘇天秀

吾憐蘇太乙磊砢長安豪釣罷渭川獵名馳天
漢曹言余亦善士拊已媿時髦徐稚平生義還
山解佩刀

姚元肖

接手燕昭國倥偬十載前烏栖空繞樹鵬轉自
橫天撫世緣知己掄才後少年君看越石父客
禮竟虛傳

顧九和

崑山顧學士十載縮銀魚勛業天人策行藏封
禪書與君成去住謀道竟何如先帝焚香在
皇情可但虛

陸子淵

成賢真此地瑤席爾司成述作回中古機雲媿
後生華亭鶴正唳蓬海鴈長征結誼風塵上看
君萬里情

一樗散人歌

君不聞漆園傲吏稱上仙商丘之樗人共憐棟
梁繩墨祇須論散木不有全天年林夫子一代

賢揚輝飾智君不然有才耻與短世用滄溟臥
處洪波無邊手握青玉芝暢歌雲和篇奇氣不
可秘吾嘗得君于三狼之紫煙拜君牀下稱豎
子大兒小兒安足傳酌君酒捋君髯乾坤盡納
芥子裏大道之下聖蒙融晦俱茫然掌中樗樹
大莫擬附枝屈鐵龍夜起

黃明甫憲副欲到湖上

江鳥江花俱眼明乘春驄馬報江行閉門祇分
煙霞累撫世今看意氣橫海上夢回陳子榻天
邊樹遶越王城便須傍竹開二逕拄杖停雲望
友生

新營青埜堂未就簡高傅二子

青埜經春營白扉竟須錄事草堂背蕭蕭桂樹
鷓鴣急淼淼菱湖鷓鴣飛絕塞閉門時欲暮小
山招隱意應遲遺榮祇好修奇服蕙帶雲冠上
素衣

讀維新錄

日下金雞出絳纒皇皇天語萬方看喜聞聖

主興周道竟使蒼生起謝安雲捧翠旂含五色
草生屈軼指羣姦早時抱志投簪客獨向滄溟
把釣竿

後秋興三首

御樓春霧晝漫漫雷壓霆奔霄漢間涕淚翻傷
以死諫風波誰分得生還山中介子終辭爵嶺
表唐卿已賜環北望星河今有象幾回滄海夢
朝班

其二

江湖霄漢不相聞獨拊龍泉看斗文燕雀豈知
鴻鵠志鳳麟終遁羽毛羣閉門春事生黃葉去
國秋山長白雲傳語元豐舊遷客好將王道輔
明君

其三

龍起襄陵漢水清風掀雲揭動神京一時卿相
收耆舊萬國衣冠接 聖明戀闕重懷和氏璧
防身驚絕楚臣纓致君堯舜羣公在短褐長鑱
意自平

上居懷林待用司空

上居爲愛龍山好
薜荔陰連湖上村
海日帆檣動書牖
天風鵝鶴到柴門
清時定許潛夫遠
散地還知靜者尊
聞道平生謝太傅
東山臥席未教溫

寄劉希尹吏部兼懷薛君采二首

長安薛子宅對爾
誦驪駒雲樹懷良友
風塵媿腐儒
看山費日月
憂國阻江湖
方朔金門下
藏身道不孤

其二

薛郎成小隱
舊宅定荒蕪
萬事將雙淚
經年無尺書
身隨梅福去
病與馬卿殊
白日調龍虎
飛騰意有餘

秋日湖上懷舊游

湖上羣花開未休
茅堂夏結湖水頭
青天舉目鴻鴈至
白日閉閣琴書幽
正愁鵝鴨惱隣舍
不見親朋經其丘
滄江遲暮好自去
斲雲弄泉銷百憂

長歌行

南湖谷老誰識爾被褐裹頭臥桑梓早時讀易
編屢絕直道如弦仕三已郎官十年窮不休八
口羞稱折腰米虞廷咎夔苦夢寐前代君臣若
魚水老驥伏櫪志千里綈袍百結吾不耻魯生
甘守白茅屋張良還從赤松子洛陽少年抱區
區漢室規模叔孫禮嗟哉往事誰向語惠施無
人子期死鳳凰樓下黨錮成濁流豈但十一士
君不見申屠蟠滅迹煙霞裏又不見郭林宗涉
世終泥滓滄江日落歸去來東山草堂安在哉
遲清亭子風拔頽貧賤如此令心哀殷王中興
圖逸才孰爲霖雨爲鹽梅終日畚鍤歌徘徊於
乎終日畚鍤歌徘徊

青塾堂石傍植菊花冬日盛開

青塾堂西湖石畔厓菊花繁明暮年乾坤正色
黃如此丘壑孤懷爾最賢祗許菌芝同遠地不
爭桃李媚陽天上林冰雪愁無賴三逕時開向
日邊

龍門西象頂望海

浩蕩窺南紀長天望正繁北風青嘯海高浪白
浮山舟楫思兼濟雲霄悵獨還何當泝牛女重
扣紫皇關

葉六罷戍潮陽歸話湖上

爾戍潮陽相見面經年別我草堂遊瓦盆碁局
青林在菊蕊鷗羣舊國秋莫倚口談三尺劔要
知身是一虛舟芙蓉薜荔山人服隨地相攜意
氣投

出江送黃伯固大理赴白下

大理平生友相看涕淚存諫書君最切往事我
難論放逐心無盡巖廊道已尊願將金石志長
報 聖明恩

贈鄭中丞二十韻

皇道中興日關河氣鬱盤卿雲回栢殿麟趾出
人間 帝用徵良弼人今起謝安玄纁到滄海
夫子罷黃冠眷注時難得才賢印不刊洪都開
大府節鉞撫諸蠻舉目旬宣地知君涕淚繁囚

梁脫虎口歸漢遠龍顏顛倒多方試悲悽九返
丹匡廬留業光彭蠡厭波瀾況值荆吳變何論
土地殘 主憂寧俟駕君出豈移山岳水思鈞
候茶溪接露翰白頭吟不斷青眼迴猶看未分
虛縣榻新詞議築壇同舍九鯉日竝考木蘭槃
櫟社堪長棄龍沙會起蟠霞裾余獨引霄鬣爾
難攀茅拔多連茹時明且釣磻煙波去無極相
報一綸竿

青楚堂成二絕句

飄飄落木氣蕭蕭抱病經時亦自聊湖上小堂
馴燕雀年來淨業混漁樵

其二

子真谷口成深隱少谷柴門故自開藥裹書籤
蒙不理海鷗江鶴日相迴

送人之鄴

浩蕩夷亭意經過鄴下來王門占玉節春日
上銅臺遊子牽多夢高堂候舉杯靡蕪江畔草應
挽使船回

鄭詩卷之七終

鄭詩目錄

卷之八

明妃曲

送林待用司空四十韻

遊淘江贈林樗翁 塞下曲

野興

聞執之侍御赴闕追送不及

戲作木虛據石圖題句

夢井歌二章

木虛過青野堂夜坐

訪吳山人隱所

答黃應期太常

答思道

答陳天游

湖中寒食

答林貞孚主客

龍溪

柴門二首

古愁二解

偶書

題趙子昂林木

送吳德翼僉憲赴闕

夏夕青野堂臥月

入海

寄戴仲鵬延平

天末憶思道

答顧華玉叅政

寄時行憲副

志士篇

閉門

聞薦

書情十二韻

早秋懷晉安諸子

寄贈石室山人

答人問滄海

林樗翁舍余草堂以詩見貽病不能候次

韻作答

病中

出塞曲二首

俠客行

釣臺

秋日病懷

送楊明府入覲

登臺

遠如期

送歐陽崇道入覲

九日登高蓋山憶舊遊

克相過草堂別去余病垂死詩來見懷呻

吟中答之

復嘆三首

木虛報與諸君問余疾苦不至口述嘲之

病中哭伯固二首 陳少府鑱

張起溟約過草堂爲傳卒所誤

歲暮懷戴郭二蘇州

答林白石大叅

送克相待御使齊魯五首

送人之萊蕪

楊白華

邊人曲

題畫

岳江樓觀漲送馬子莘北征

寄題七峰隱居十韻

李忠定祠

七月望遊水西白鶴寺乘月汎峴江

次夕峴江聞笛贈德敷熙載

送李明德應召赴闕二首

琅琊王墓下作

秋日偕諸子遊鼇峰

渡峽

大田讀伯固起溟見和之作悵然懷答二

首

遊石竺巖

苦節行

傷哉行

南山贈林遷于比部

木蘭陂謁李長者祠

莆口之敗福寧兵最無紀律大縱掠金以

致肝腦塗地賦詩傷之

岳山留別諸子

贈汪希周太守

題集山書院

白泉二章贈希周

赴白下黃田道中作

劔川贈陳待用太守

建州逢蔡霞山

冬日飲陶園

謁紫陽精舍二首

鷓鴣

贈武夷道士二首

不寐

哭遂初

哭朱侍御

憂

漫興

臥病

鄭詩卷之八

閩中鄭善夫繼之著

郡人鄧原岳女高

謝肇淛在杭同校

明妃曲

明妃初出塞宛轉意何窮
上馬琵琶曲流悲入
漢宮自言妾薄命
萬里去和戎今日
薜蘿蕪草青
青向隴中

送林待用司空四十韻

海岳開靈秘東南孕雋畸公才驚代出吾道要
人爲鸞鷲時希有珊瑚世共知郢斤森在手剛
斧斫先枝王業尋常就天朝際會遲乃嬰喉下
阨轉聽隴頭悲脉脉餐元命跋跋飾履綦經過
盤錯遍展轉廟廊思直道淹黃髮餘生隨白鷺
經綸一以卷霄漢欲何之霞外修靈氣槎邊立
釣絲衆星還識斗百草祗如芝蜀道憂多壘王
言召子儀星奔赴國難虛擣拔梟旗雲鳥元相
法風塵不自夷千秋誅白帝一笑下峨嵋物態
疲衣狗年華變意鷓留侯乃辟穀尼父退修辭
蘭渚烟波定雲庄歲月馳寧云近耄耄忽漫致
雍熙紫氣流金闕黃龍下玉墀 君王是堯舜
輔弼必臯夔三統收今日羣賢網在茲丹青得
舟楫畋獵豈能罷只簡先生去頻傳 帝語來
玄圭表錫望黔首視安危如此中興主那看後
命推意成魚水合道在鳳麟羈鐘鼎人能鑄棟
梁今不衰願聞歌帝力直擬察氓眉勲業青冥
潤文章後輩師眼青相見日心赤索居時魚綬

身三偃龍泉手一提不成赴溝壑詎敢息鎡基
出水青陽逼滄溟錦纜移永懷登藻鑑況惜別
師資幽獨行將暮娉婷迥自怡長空古意澹落
日壯心飛抱瑟誰同調彈冠此作期因風送黃
鵠目盡五雲涯

遊淘江贈林樗翁

野亭雜花紅近人山翁愛客青綸巾涉江欲採
芙蓉去無數秋風髻髮新

塞下曲

胡虜寇瀧川將軍出酒泉彤弓白羽扇鐵騎紫
絲鞭倚是封侯相橫行遍六邊漢兵迷失道胡
塵高漲天遇虜飛狐北虜強師不全何當清大
漠戲馬龍庭前

野興

龍首橋南湖水北幽居細擬輞川中青霞返照
流孤榻白鳥卑栖竝一叢弄笈取魴隨稚子接
觴爭席任隣翁年來混迹漁樵下賸有銅鞮習
氏風

聞執之侍御赴闕追送不及

名巖擬共花時見渺渺芝田空復情繡斧春當
霄漢立彩帆今傍斗牛行南州煙水還徐穉京
洛風雲逐馬卿日暮滄江相失後可無獻納慰
平生

戲作木虛據石圖題句

雲裏孤峰爾獨憑下觀星斗帶滄溟翻身笑折
三花樹擬傍蓬萊頂上行

夢井歌二章

昨夢井水溢地上甘而潔列於荒墟心
惻然也占曰井水溢施弗窮也甘而潔
用適中也潔而不食道非庸也明王中
興而列諸荒已焉哉作夢井歌

井之京京其出淵淵汔至不繙謂我叵泉甃如
幕如我夢乘如寤懷載且維以永戲

其二

井之淵淵爰是用汲王明王明受此戩福潔而
不食於井何傷君子之履不遷其方

木虛過青野堂夜坐

小坐同吾子荒齋寡四隣
林鴝鳴近夜山月迥
隨人太乙青藜杖先生烏角巾
中宵莫說劔恐益髮毛新

訪吳山人隱所

脫屣吳居士尋君江水遙
雲房生夜氣薜牖散春潮
榻靜聞空籟情高夢九霄
從茲畢靈寶不赴小山招

答黃應期太常

聞君未罷滄溟釣余復歸耕
綿上田江東落日淹多夢
燕市殘盃空昔賢悵別喜承縣
榻問離羣那寄卜居篇
越城西望無千里乘興還迴何處船

答思道

菖蒲龕下東林宴當日招攜
意未踈羨汝能騎隴雪馬
嗟余真釣武溪魚藥欄芝榻
三年別薊野邢陽萬里書
重沐清辭報叢竹茂陵端遣臥相如

真詩
卷之八
五
答陳天游

淑氣回南紀文星傷省堂猶縣滄海月留照紫
薇郎學道防衰晚愁時應帝王思君直咫尺一
夕鬢毛蒼

湖中寒食

湖上逢寒食行行雲日迷林花相映發只似武
陵溪遠水清煙竝高楊黃鳥啼年年對芳草古
意滿城西

答林貞孚主客

憶自秋風起虛傳奉使回未捐池上珮翻失隴
頭梅堯舜垂衣日班揚奏賦才黃金散朝士知
上禮賢臺

龍溪

志士樂巖棲巖前幽鳥啼長風吹瀑布飛過白
龍溪祗道桃花發花源處處迷

柴門二首

涼月光不了照我芳桂叢白鳥如人長來往柴
門東

其二

家住白湖陽習見風波事
茗荻何蒼蒼亂我蘭
與芷

古愁二解

出門采棠花風吹隴山木
隴山未可行荆棘傷
我足

一解

隴山高以臨隴水阻而深
不畏傷我足但恐傷
人心

二解

偶書

神龍棲九淵志在天漢表
終始養神德用九仍
初九安能逐鼃蟪泥蟠東西沼

題趙子昂林木

元朝學士宋家子手得丹青古莫比
筆端點染入精妙心上經綸乃如此
唐之畢宏宋郭熙林木山水那兼美
一匹縑素動數旬工夫細膩世絕倫
未論意象補造化已覺氣勢生風雲
眼中蛟龍相盤拿風雲變態何詫嗟
草間莫着王孫足王孫芳草今天涯
君不見馬遠區區念宋家

殘山剩水胡爲耶

送吳德翼僉憲赴闕

使君今赴闕春興定
翛然江漢皇華動風雲
錦纜牽星移南斗
下路引北堂前願有華封祝
天朝壽萬年

夏夕青野堂臥月

海月團芳夜園廬引緒風
琴書栖榻晏巖壑與
人同尚澤南山霧終懷北極楓
黃虞忽到夢伊鬱臥隆中

入海

滄海鷗波外雲艘迥自航
大江沉馬腹密雨濕
魚梁未及星槎遠那知天漢長
漁竿變孤志翻愧紫荷裳

寄戴仲鵬延平

嗟爾投荒在十年歸鬢新
豹文淹瘴癘龍節漸風雲
往事收殘淚清時錄遠臣
別深魚鴈闊迹久鳳麟馴
余亦豐城物思君劒水濱
客衣渾自浣不染浴陽塵

天末憶思道

遠憐方比部，經歲斷來書。
何日垂嘉樹，青青拂
敝廬。累憎鴻鴈響，三見柳條疎。
幽獨疲孤夢，松齋月正虛。

答顧華玉叅政

吾憐顧長康，吏隱近滄浪。
學道通元竅，蛟龍翊爾翔。
雲回朱鳥國，花照紫薇堂。
授我冥筌意，相期天漢長。

寄時行憲副

聞君靖百粵，閒擁節旄遊。
鏡吹軍門靜，雲山開府幽。
飛書報谷口，邀我入羅浮。
一自滄溟別，長驚碧樹秋。
乾坤今始泰，勛業爾應留。
儻遂丹砂計，相尋海上洲。

志士篇

河伯誇秋水，未知東海深。
衆人尚雷同，安識志士心。
志士有苦心，心苦道自舒。
上山思采玉，入海貴探珠。
至寶非外假，真詮豈予誣。
獨行何涼涼，闊遵沂周衢。
雖無凌風翰，睠此適國都。
升天

而遊霧惕哉子大夫

閉門

經歲避塵緣時參道德篇柴門背海閉鷗鳥受人憐桂樹栽成實松花採作團微官渾忘却唯記孝皇年

聞薦

逋客晚知幾西山言採薇長安三丈雪而我賞心違隱處無人識薦書何事飛冥鴻天萬里空遣弋人歸

書情十二韻

毛生辭辟命王績遁人羣賢者詎可測醉鄉聊自云抗情干木石著論逼河汾而我風塵質依依愧所聞碧山隨舊業白日近浮雲殷道求伊傳周王化妝汝墳古風何契闊吾志底辛勤耻掉留侯舌羞稱管氏助民窮思聖世身遠戀明君落日天西夢幽憂記不分龍蟠時必作鵬息氣方殷此意終難就吾將邁紫氛

早秋懷晉安諸子

集言 卷之八 十
桂落菱湖晚湖邊鷓鴣鳴秋風吹桂樹一佇越
王城榻有南州重人兼衛玠清還聞刷羽翮看
爾共蜚聲

寄贈石室山人

安期持世界挾策西入關吳老遵牛渚乘槎釣
不還行藏元氣裏弓劍彩雲間何時留玉鳥去
入蓬萊山

答人問滄海

久作持竿客滄洲話獨真潮聲雄度浙海勢側
分閩星漢涵無地風雲變有神蜃樓開弱水鼇
極斷河津失意歌漁父離羣憶古人惟應白鷗
鳥浩淼得相親

林樗翁舍余草堂以詩見貽病不能候次
韻作答

鼇頂峯迴雲霧光少微來照浣花堂十年城府
新相避三徑松筠故自荒問道向迷襄野北移
家今在漢陰傍方山耆舊偏憐我只道相如病
更狂

病中

避地拋銅墨風霜歲屢更
那期鳳鳥至亦遣伏
雌鳴久病丹心苦
中年白髮生如何
張仲蔚却掃臥昇平

出塞曲二首

黃金瑯鵲印白馬出榆林
瀚海行人絕陰山殺
氣深漢恩長北損胡騎
日南侵一唱丁都護
三軍淚滿襟

其二

天王開絕域上將喜邊功
塞外風煙異軍中苦
樂同龍旂凋朔氣
虎帳臥胡風未繫單于頸
橫戈意氣雄

俠客行

萬里金微道防秋世不同
秦城時借寇漢女歲
和戎落日吹楊柳沙場恨未窮
莫收張掖北復失酒泉
東天子遑推轂將軍誓挂弓
黃金裝鴈轡白壁飾蛇矚
霸氣天山雪邊聲瀚海風
死生惟義激部曲
揔驍雄羌笛回青草
燕歌感白虹

營開月暈破戰勝賀蘭空直擣闕氏北橫行沙
 塞中始知魏絳怯豈說貳師功洗甲蒲昌海揚
 兵苜蓿峯馳歸大宛馬一一渥洼龍賜邑連京
 洛圖形列上公男兒雪國耻不在藁街封

釣臺

釣臺東接峽江流臺上平臨歐冶州豪客乘風
 時有賦海翁無事自忘憂中原目斷冥鴻路落
 日愁生芳杜洲歲晚煙波浩無極鷓鴣鷓鴣傍
 人遊

秋日病懷

南州落木歲蕭蕭薊野風煙萬里遙病後客心
 惟藥物秋來人意滿雲霄平沙鴈帶三湘雨橫
 浦帆歸八月潮搖落應悲楚公子不將舊業付
 漁樵

送楊明府入覲

雙闕玄霄上三山滄海邊雲達望鳧舄明府似
 神仙曲報離城調琴希清廟絃煩君告天子
 百姓尚顛連

登臺

江草幽幽江燕回感時頻上望燕臺天高西北
神京在鴈落東南朔氣來豹谷水田聊自給龍
陽橘樹未應栽 君王近著唐堯德巖壑全生
是櫟材

遠如期

遠如期黃道亨聖人繼天麟趾來臻麟何以來
時將太平黃河千年而一清四序遵軌轉玉衡
日之方中破幽冥美人來駢樂我民生琴瑟不
調絃當改更遠如期把君熊軾飲君兕觥美人
哉治載成行哉乎願我 皇帝壽萬年匪荒寧

送歐陽崇道入覲

年來苦閱循良傳別路看君意轉長颯颯秋風
吹岳水娟娟菊蕊傷重陽中原目盡鳳麟出南
國車前烏鵲翔莫學武原陳仲舉只將懸榻報
君王

九日登高蓋山憶舊遊

此日經過高蓋下忽憶去年高蓋峰祗見黃花

真言 卷之八
似往日那堪衰髮向秋風煙霞不斷重陽路勳
業猶疑三逕松舊國蕭條歲復晏布袍芒屨意
何窮

克相過草堂別去余病垂死詩來見懷呻
吟中答之

喜女文章貴相過成笑言追陪憎病骨風雨別
柴門會苦青衫濕情多白髮繁形骸已近死誰
復與招魂

復嘆二首

我生四十無聞時已暮三年角巾守煙霧空村
落日門不開獨抱鶉衾哭窮路麒麟趾折龍馬
杳世俗那得知其故嗚呼興衰用舍揔在天中
夜擊劒心茫然

其二

憶昔金閨困天桔乞身還山思維谷頻年藜藿
口不充況復呻吟臥牀褥生子那如孫仲謀豚
犬區區但口腹於乎天時人事兩不值我生安
命而已矣

其三

歸來來歸愁復愁
潔已不及滄溟流
苦逐獼猴逐山雪
眼中蕭蕭誰故物
天涯良友半槁死
我身雖在空皮骨
於乎青山伐木鳥
嚶嚶胡爲使我無友生

木虛報與諸君問
余疾苦不至口述
嘲之善夫臥病將
月餘死復不死甦
未甦晨昏咆哮向
天呼藥物丘積恨
未除昨日傳生來
報余言拉諸子過
吾廬聞之頓覺眉
頭舒喚取庖人飭
賓厨奚兒舉網更
捉魚肴核已具音
全虛病夫延頸直
到脯柴門不見君
子車裘羊逕草今
何如嗚呼自古友
道勝妻孥生死不
貳方丈夫疾

病中哭伯固二首

我眼雙枯盡那堪
更哭君平生猶鐵
石靈爽定風雲
葵藿雖同志凰麟
不戀羣吾徒向凋
謝誰黻太平文

其二

去年白下去送汝芋原陂今日湖邊問俾余雙
淚垂終為諫議鬼竟失帝王師已矣先朝事傷
哉此盛時

陳少府鑰

吾憐陳少府獨抱明月珠五載官閩土春風生
向隅縣知水薤意頻握玉麟符霄漢聲名早看
君受劔車

張起溟約過草堂為傳卒所誤

君是峨眉秀余慙南海琛竝期歌白雪何止斷
黃金接手難如此浮生感獨深閩關及漳水魚
腹莫教沉

歲暮懷戴郭二蘇州

經年不寄吳都賦文藻風流孰女如作客摠飛
青玉鳥埋名翻受錦囊書中原風物回秋夢東
海龜龍款使車儻及桐江舊釣侶明時甘守越
溪魚

答林白石大叅

歸釣龍溪水君胡亟失時豈因白石爛竟賦綠

箕言 卷之八
衣詩拙抱江湖愧賢於弼亮宜重華迹已遠吾
道欲何之

送克相侍御使齊魯五首

千盤岱嶽轟琳宮萬壑平吹瀚海風何能一探
金鷲藥竝爾呼雲日觀峰

其二

淄青南下滄溟開鵬擊鯨翻天漢迴東巡定上
蓬萊閣五色樓臺萬寶堆

其三

吾憐白浦控滄洲目盡雲槎天際流儻遇阜鄉
雙玉舄與君高結望洋樓

其四

海內談詩王子衡春風坐遍魯諸生我昔傳聞
薛吏部爲君遙式洛陽城

其五

樵李忻逢孟望之湖邊秋艇把楊枝青袍笑入
襄陽社白壁翻傳梁甫詞

送人之萊蕪

萊蕪縣在海東頭遷轉還君山水州日日鳴琴
了公事魚龍波浪眼中遊

楊白華

裊裊長楊樹青青垂白花楊花攬不住春色若
爲斜如何宮畔草萋鬱遍天涯

邊人曲

結髮事遠征能知邊塞情長騎汗血馬調戲郅
支營大小七十戰金鼓夜自鳴稽首兩賢王大
開受降城匈奴不可盡劔聲詎能平終生獨忼

慨抗言請長纓

題畫

商意變綠荷秋風落江渚零露忽泥人愁聞鶴
鴿語

出江樓觀漲送馬子莘北征

霖雨五日風不迴百川流沫連山來洪濤拍天
浩蕩而崔嵬驅沙走石龍門開白日不到地滄
江一何哀三山反在八水下一葦阻絕天之涯
與君起登江上臺節物感我曠士懷六龍行天

太陰死妖蛟孽虺胡爲哉蝸皇功虧禹德衰吾
恐地軸今將頽短歌微吟爲君起丈夫壯年要
爲者何事請君起長楫共擊三千水

寄題七峰隱居十韻

棠陵書問至命我七峯歌我今雙鬢改其奈七
峰何憶避吳趨寇曾遵孟瀆河眼深孫楚宅心
激魯陽戈霜鏑干雲日霞居享薜蘿猶聞釣蛟
蜃寧復畏湖波浩嘯蘇門誦名方海上科賢豪
似爾少膏馥及人多芝菌盤雷洞山川抱曲阿
吾將濟汝漢初路爲經過

李忠定祠

千秋祠廟對樵溪丞相愁時日向西江漢已浮
龍馬去風塵遺恨鷓鴣啼傷心北狩誰相問極
目中原他自迷三疏留君見東澈人情天運苦
難齊

七月望遊水西白鶴寺乘月汎峴江

愛爾東林社乘秋到藥宮招邀滿童冠歌罷舞
雩風鶴鶴黃庭莫巾袍白露中西江上雲月歸

艇意何窮

次夕峴江聞笛贈德敷熙載

峴水橋西秋欲社
追尋仍泛月邊船
短簫長笛悲相語
錦樹滄江絕可憐
交游自識茅容早
子壻誰當黃幹賢
此夜星河未堪別
眼中閩楚各風煙

送季明德應召赴闕二首

接手爲兄弟
交期共死生
雲遶易相失
三宿晉安城
海內風塵切
秋邊鴻雁鳴
飛騰未時莫
萬里好長征

其二

相別無一語
相觀情自閒
風雲感壯士
江海散秋顏
道已干時禁
人須涉世艱
去鄉莫草草
遲爾陽明山

琅琊王墓下作

田文全盛日
淚下雍門彈
王氏千秋後
勞歌玉樹殘
寢園生兔穴
疑塚莫龍盤
萬仞蓮花色
關河望已難

秋日偕諸子遊鼇峰

鼇峰天畔登臨去雲木新開平遠臺落日山城
生海氣中原風物送秋哀一時賢士俱傾蓋滿
地萍踪笑舉杯梁國鄒枚豈吾事竹林嵇阮是
仙才

渡峽

凜秋行日夜短別去故里睠此有所思陟山復
臨水重峽亘天塹下足頓逸軌回颺激伏瀾絕
流渡濛汜西崦積暝色霧霧斂夕靡所憂風波

集擊楫志未已至人乘虛無君子慮終始蹈險
乃真見履順有滅趾矢言涉大川勿負橫江耻
大田讀伯固起溟見和之作悵然懷答二

首

讀爾懷沙賦潸然繫我思當年分卽死此日已
云遲社稷還唐介江山哭子期才賢世有幾況
及聖明時

其二

竭來張仲蔚秀句日逾多豈不思君子其如長

真詩 卷之八
路何商霖憐我在谷口喜人過終愧箕山隱無
能守薜蘿

遊石竺巖

少抱煙霞資雅志向林壑出門混世塵中達反
墮落聞道豈不早優游歲將迫言就巫咸問敬
訪何氏宅石竺敞靈界紫雲冒巖箔匪夢復匪
幻乃見鶴上客長跪訴悃誠曰余動迷錯授我
靈光劔斬斷妖魔色竭來無窮門灑灑見天德
接手浮丘老感恩詎云薄乘雲凌嵩丘永與世

寰隔

苦節行

過漁溪聞前王王文奎之女占氏少婦
死節爲之泣下作苦節行

下南四郡三郡兵閩盜此日真縱橫安溪莆口
備慘毒殺氣上冒天爲腥六師不發無戰情賊
過一程移一程兵驕將怯往必敗疆場之事誰
曾經官軍畏賊遠護送民兵不教將何用坐遣
羣羊啖虎口萬姓何辜死無訟前王少女不就

虜抽身抱石沉江水占家少婦賊殺姑罵賊不
 屈同姑死我歌苦節行淚下哽咽悲不止吾輩
 堂堂七尺軀況作男兒把天紀清風嶺曹娥渚
 長使志士哀千古吁嗟乎占家少婦前王女

傷哉行

宿涵江聞賊盡得王莊諸婦女惟王元
 德之妻守節二十八年抗死房闈中作

傷哉行

傷哉乎尚陽之南廣業之里千數茅茨變賊壘

殺人成丘山旬月不見官軍至我思八閩十七

衛太祖以來食盡多少官倉米一朝緩急不

得分寸力惡用飼爾民膏髓臙風吹塵汚詩禮

安能一沃滄溟水傷哉乎垠頭山新渡嶺婦女

不行刃加頸新渡嶺垠頭山黃金滿意婦女還

可憐蛾眉七十二竟無一下清風灘死生在前

良獨難傷哉乎前王寡妻獨死房帷間令人苦

憶太古時上有堯舜下臯夔契敷五教張四維

稷播百穀民忘饑九州分理十二牧天子端拱

而無爲四凶旣誅戮六合歌雍熙耕且讓畔行
讓路重門暴客從何來嗟彼盜賊豈無民彝犂
鋤化兵誰使之傷哉乎聖王不作吾已而

南山贈林遷于比部

憶自隨三釜同歌滄海篇何期傷九日得結碧
山緣江漢兵戈外風煙魚鴈前相看未忍別更
上木蘭船

木蘭陂謁李長者祠

木蘭山下誰作陂將軍灘頭功已虧滄海未銷
錢女恨路人惟誦李侯碑秋深極浦生寒水神
至靈風滿素旗江漢湯湯吾力薄祠前立馬意
應遲

莆口之敗福寧兵最無紀律大縱掠金以
致肝腦塗地賦詩傷之

閩粵何多難興漳師未休虎豺行白日天地泣
清秋欲擣羣兇穴須臾敗將頭兵貪法半至遺
恨福寧州

出山留別諸子

握手情何盡爲郎髮已秋那爲岳上別轉作秣
陵遊賈傅狂唯甚王陽道必優時猶遇舜禹志
竊慕伊周風斷黃金市雲愁白鷺洲從容赴散
地一似臥林丘寶劍緣輕試明珠豈暗投經綸
晚自計只漫釣魚舟

贈汪希周太守

憶竝先朝戊巳年雪堂文酒日聯翩燕關舊侶
嗟誰在閩海浮槎羨女賢鄉信風煙連楚粵宦
情冠劍動山川郡齋今復虛縣榻何地看雲更

黯然

題集山書院

大江貫蘄黃中有碩士居抱壁重一擲探元破
羣愚偃臥大集陽悠然見蒼梧曾峰七十二芙
蓉峻而都所戀得依托寧能去園廬衆山止其
巔百川求其緒不觀洞庭闊但恐周道紆白鹿
有筌蹄衡岳空笱篳玄玄入疑始吾與爾爲徒

白泉二章贈希周

湔湔流泉行彼地中燦爲星宿麗爾雲空萬殊

之毋直遂涵弘賁以正本蒙以養功君子果行
不顯其逢

其二

湔湔流泉灑灑濫觴積爲江漢博大以剛彼王
者明受福無疆神龍所都厥澍載滂君子利用
何往弗臧

赴白下黃田道中作

稍喜移官向白門春湖聞接霸陵園經旬肺病
形容變千里鄉愁夢寐繁耿耿星河涵遠水冥
冥氛祲散中原廿年漢署成何事翻向青山斷
客蒐

劔川贈陳待用太守

鬱彼神仙府雲驂迫莫拔言將五袴手滿弄九
華山紫蓋風塵表黃堂霄漢間因君覓神物劔
水有龍蟠

建州逢蔡霞山

鼇頂歌鐘東郭宴舊盟回望思何窮音塵豈說
三秋隔髮髮知堪幾度逢滿地江湖催汎梗極

箕詩 卷之八
天雲霧滯冥鴻休論十六年前事愁絕關河涕
淚中

冬日飲陶園

細霧濛濛千竹林名園錦樹歲將陰主人愛客
車馬過竟日聞歌尊俎深幾朵菊花猶掩映一
羣鷓鴣故浮沉登臺忽聽鳴臯鶴九萬雲天識
女心

謁紫陽精舍二首

山水奇如此乾坤氣所儲昔賢遺笥蛻異代儼
門廬歲晏芝苓長天高風露餘蹉跎逐簪笏尚
愧紫陽居

其二

奇遊歷四窮茲山負靈勝翠川玉篆繞丹巘瑤
花竝浮桴臨星源仙踪煥雲柄圖經宛不爽神
理杳莫竟緬訝開物初豈無稽天浸懷山谷就
變赴坎槎交迸迹奇易讚揚歲深改觀聽謁來
幔亭宴渺渺論神聖諒同武陵源去爲羸民病
梵蛻昔所誹真函此須正所以紫陽翁不履黃

庭逕遠矚悟氣機內照見真性永持居士誠修身俟元命

鷓鴣

鷓鴣無拘碍浮游錦石傍雌雄互飲啄毛羽割陰陽已得滄洲趣寧思天漢翔竝生大化裏幽獨闡文章

贈武夷道士二首

幔亭道士住紫宮年過八十氣吐虹揖余解下雙龍劔指點雲涯三百峰

其二

武夷亂峰攢紫蓮丹房想在彩雲邊分君一粟包羲洞閒弄明河抱月眠

不寐

反側終難寐寒天候不明經旬淹厲氣永夜厭灘聲萬事呻吟外他鄉兒女情還聞喪良友展轉涕交橫

哭遂初

良友看餘幾今年報女亡江山有潁谷風雨泣

秋堂元氣能無損星文定不光連宵激孤志灑
涕向錢塘

哭朱侍御

哭友魂初返兄今復計音杞憂元不寐顏樂祗
須尋江海投膠意乾坤攬轡心成言俱寂莫勝
事竟銷沉邦國賢豪盡關河涕淚深辦香與絮
酒咫尺到山陰

憂

擬將新句詠銷憂詠罷重增雙涕流柱下朱郎

成永別江東黃尉竟何求青袍事業悲三試畫
省風煙感四休搖落江山客途裏石門修竹夢
林丘

漫興

忽驚溪虎連羣嘯不分林鷓朝暮啼畫省行臺
堪牧馬山城更鼓不隨雞

臥病

臥病困頓安足悲武夷秀峰虛翠微閉門伏枕
費日月問醫尋方多是非羈孤賴有任安好薦

拔恐爲山公違形容變化已如此荷衣草榻吾
去歸

鄭詩卷之八終

